

重修洪洞縣志

卷首

纂修
縣志人員表

卷一

星度表

卷二

沿革表

卷三

職官表

續修洪洞縣志序

洪洞古揚國後爲揚縣至隋始改今名亦會城南巨邑也其人
物遠者如臯陶之明刑弼教師曠之邃精音律山川鍾秀聖哲
挺生夙乎尙已卽最近三四百年間如韓忠定之氣節范彪西
之理學亦聲名藉甚足爲邑乘之光今何寂寂而異於古所云
耶余於乙卯歲權斯邑下車之始卒卒於時政諸務未遑數月
以來從公稍暇因取志乘而讀之見夫文臣武將勳業爛然理
學名儒著作宏富卽孝子順孫義夫貞媛亦時時上邀特典樹
之綽楔文人學士歌咏流傳郁郁彬彬人賢輩出乃知十世之
邑必有忠信特無以搜求而表章之將遂湮沒無聞此有司者

之責也邑乘修于雍正四年其間沿襲舊志間涉蕪雜光緒初年邑徵君王軒氏總纂山西通志出其餘緒纂訂縣志更正體例搜集完善復得其友邑紳李享山申卉仙兩賢爲之助一方惇史於以觀成惜其時徵君遽歸道山經費亦復不繼是以志稿未克梓行忽忽又三十餘年矣徵君高足韓君次郊聞余有志於修訂縣志慨然出此稿以見眎余讀之喜出望外急釀貲開局署齋延李薰南賀友萱諸君董其事逐類增修焚膏繼晷兩閱月報竣是役也非敢自詡剋舉亦遵王軒氏遺法與諸君共底於成耳至志書纂訂李君薰南之力最多次郊韓公以于役會垣未與於審訂之事余又以簿書執掌戎馬倥傯不克從

事丹鉛倉卒殺青保無疎漏然大端具備邑之人苟撫茲志乘有所觀感遠規古聖近法先賢俾揚國休徽繼續不絕則非特徵君王公之志得以大慰卽薰南諸君亦不致徒勞而罔功矣志成輒書數語於簡端以誌其原委如此

中華民國五年七月

玉田孫奐崙識

序二

洪洞縣志初始明代舊本已不可見於今可考者乃前清康熙時范徵君鑄鼎重修本標目凡五曰溫良恭儉雖曰疏略然氣體高簡先民矩矱可念也洎乎雍乾之際迭經重修纂輯者既非一人採訪者罔識大體於是體例漸整於古矣光緒壬午詔各行省修輯通志檄下州縣採取風土利病暨先賢名蹟耆舊軼聞於是吾邑有重修縣志之舉時主筆者爲李享山申實菴兩先生文筆淵懿學有本源體製較前完密書成就正鄉先輩王顧齋先生時先生方修通志未及筆削遽歸道山文孫繼侗出志稿見付曰此先祖未竟之緒也子盍廣續成之願以饒

驅奔走四方矻矻鮮暇加以邑宰屢易捐資無存修志之舉遂
無人過問民國四年玉田孫公來宰吾邑下車之後百廢具舉
民以大和適_州以事家居因公晉謁詢及縣志始知稿藏予家
深以未及付梓爲憾因慨然曰縣志者一邑文獻之所係也今
若此其奚以資考鏡且壬午迄今又復二十餘年矣其間國體
之變更政治之因革人文之繼起風會之遞嬗俱不可無聞於
後編輯之任舍子其誰_州遜謝不敏旋以應選赴省越歲書來
則已邀集邑紳李君琴聲柴君汝楨賀君椿壽李君登雲景君
福同分門編輯成帙將付排印屬爲弁言簡端以申作者之意
敍曰義和分職敬授民時後王彌歷肇始于茲里差歲差辨析

毫釐陋彼分野渺冥難稽作星度表第一唐虞夏商冀州正域
粵及成周揚侯始國見併于晉爲叔向邑唐武德間今名肇錫
隸于平陽世爲望職作沿革表第二爲治之道首重牧令萬目
具瞻奈何弗敬某廉某墨孰枉孰正排比後先藉資考證作職
官表第三鄉舉里選漢猶近古隋唐而下乃崇科舉精義無存
空文奚取學校重興羣材鼓舞作選舉表第四古之循吏盛推
兩漢治化烝烝羞稱武健登彼枉席拯之塗炭增秩賜金勳業
燦爛作官績志第五夏書禹貢周官職方山川要隘地志宜詳
畫沙聚米設備周防泐之載籍來者毋忘作輿地志第六紅蕖
敷水綠柳沿堤面粉背霍金城湯池倉儲祠宇國典所係歲其

舉之各以其例作建置志第七洪邑土田向分六等水旱不時
偏災告警正賦是供繁費宜省畧寬一分民生有幸作田賦志
第八園橋壁水思樂頓宮上丁釋奠體制尊崇近漸歐化自西
徂東其迹雖異其理則同作學校志第九文以經邦武以戡亂
禦暴禁奸解紛排難消患無形功倍事半古訓是經有備無患
作武備志第十虞廷作士厥惟皋陶晉有子野音律是操漢唐
明清代有賢豪前型具在視民不佻作人物志第十一貞筠多
節古井不波柏舟矢志之死靡佗亦有賢母封鮒投梭德音秩
秩千載不磨作列女志第十二贏金匪富尺璧匪珍天地精蘊
端在斯文矧茲一邑乃萃多聞董而理之類別條分作藝文志

第十三于寶搜神齊諧志怪旁及仙釋遊心方外存則體乖汰
則傷隘別爲志餘於義無害作雜記志第十四郡縣圖志其來
已久故老相承各有所受考獻徵文信今傳後萬禩千秋永資
法守作敍錄第十五

邑人韓炯次郊甫敬序

序三

自編年變爲紀傳表志後世史家遵用之然非得龍門扶風之
三長與范蔚宗陳承祚歐陽永叔之體裁未可率爾操觚也史
之難如此志猶史也所載典制興革風俗人物深寓勸懲之大
蓋得史之意矣洪志自清雍正時續修湮沒磨滅之跡燦然復
著第體例淆雜篇帙泛溢識者每引以爲憾王顧齋徵君旣修
山西通志以其暇裁訂吾洪志乘摺摺網羅討論綜覈而以捉
刀付之李享山申卉仙兩文學體例較前略備未及審定而徵
君遽歸道山今且三十年矣其間風尚日異賦役迥殊循吏之
撫字心勞賢士之功名自奮與夫彤管流輝竹帛紀勳不爲敝

述將文獻終軼豈賢有司表率茲土之義乎矧朝局改革尤非
昔比也玉田孫藥墀先生以名家子來綰縣符期年之間政通
人和百務犁舉乃慨然修葺志書延邑之紳耆與其賢哲共襄
斯舉而琴以衰朽末學獲與參訂蒐采逸事搜葺遺文開局兩
閱月成書十八卷於藥墀先生篤望吾洪之意未識何如要亦
人才消乏士風不古然其例實已同於史矣因之粵稽前徽若
韓忠定衛清臣之亮節范竹溪范彪西之理學王眉山張充軒
王顧齋之經學范琴軒王雪堂韓芸史之古文韓玉峰李亦我
之政績李梅邨父子之平論金石楊石樵王雙簫申个臣尉漱
石之詩畫於乎盛哉今雖江河日下文教榛蕪誠望後之宰斯

邑者撫斯編而化民成俗之規不啻著計燭照卽生斯邑者企慕流風學道自淑不難蒸蒸日上進於古則謂藥墀先生修洪之志卽教吾洪以先民矩矱也可吾洪後起多賢尙亦體藥墀先生之意也哉

邑人李琴聲撰

序四

周禮小史掌邦國志外史掌四方志後世志書所由昉與志者具史之體而不襲其名者也洪志剏自前明李對霍先生明季清初三四修矣王顧齋徵君出始變舊法曰星度表曰沿革表曰職官表曰選舉表而人物志復增善行義行文苑藝苑諸類綱舉目張條分縷析一邑之典章文物犖然大備凡此皆光緒壬午以前之事今又三十年越矣重以國體改革百務聿新不亟賡續過渡之跡將卽湮沒後此者奚從觀省乎藥墀孫公以玉田名流知縣事下車伊始卽興學校課農桑庶政克舉人用以和案牘餘閒以修志爲第一義集邑文學諸君設局廨舍旁

搜博采補遺訂墜公復修飾潤色斟酌裁成兩閱月竣事雖迫於時局倉卒成書而凡學制之純備武備之嚴整山川之形勝物產之富饒與夫宦蹟人物藝文雜記無不分門別類燦若列眉他日輜軒採風文獻徵存則茲志之信今傳後非孫公之力而誰力也精謏陋無文幸得濫廁其間樂觀厥成因附驥尾以誌崖略序云乎哉

邑人賀椿壽撰

纂修縣志人員表

職別	姓名	名次	篆籍	貫履
總裁	孫奐	崙葑	癡直隸玉田縣	官前清直隸貢樂亭部縣小京
副總裁	賀椿壽	友	萱本	訓導舉考人職前簽任分太陝西府
總纂	韓	炯次	郊本	二知縣科前長公署
分纂	李琴聲	薰	南本	縣太舉原人府歷訓導祁保縣升嵐
	柴汝楨	幹	臣本	縣清舉充人清選授用文水事
				公知縣書現記充長保晉
				治清舉務人所前所充縣白

歷

					提調			
馬汝騏龍	蘇甲名顯	景大啓爾	柳亢宗又	景福同攸	李登雲舒			
文本	揚本	字本	元本	軒本	青本			
縣	縣	縣	縣	縣	縣			
二清科優科附員生現前充公署民第	員學 二清等增科員生現前充都督府	商縣典史總理充	東由會吏任員考驗填發等山	訓清導甲邑午教歲育會候選	清清衛廩局董前事充	員	充清第舉一人高揀小選學校縣教現	農公業署學一校科校長

主任

校閱岳欽崧山本縣
清舉發人長本省鹽大
業發長本蘆省鹽大
學使

前鄉寧煤

郭裕禎慶符本縣
清舉長人縣議充高
校校長縣議充高
協小議學

武春榮華堂本縣
清拔貢歷充清
董事催辦歷充
公債局

委員

盧福申受天本縣
清增科生科前
第科生科前
員縣署

繪圖張崐玉仲源本縣
河東現充第
一高卒小
業

校長

范錫齡夢九本縣
本省師範充學
第堂一初高
級